



Publicaziuns officialas dils 05-03-2010

Elecziuns communalas 2010

Demissiuns d'uffecis

Sin fundament d'art. 19 dalla lescha da votaziuns ed elecziuns han ils suandonts officials communalas inoltrau lur demissiun sin ils 31 da schaner:

a) Suprastonza communal

Decurtins Willy, Rabius	gerau
Mathiuet Anton, Surrein	gerau

b) Cumissiun da quen e gestiun

Deplazes-Heini Julia, Surrein	commembra
-------------------------------	-----------

c) Cussegl da scola

Cajacob-Berther Alice, Sumvitg	commembra
Deplazes Otto, Surrein	commember
Duff Gieri, Sumvitg	commember
Maissen Curdin, Rabius	commember

d) Cumissiun da baghegiar

Bearth Erwin, Rabius	commember
Cajacob Rest Luis, Sumvitg	commember
Duff Fidel, Cumpadials	commember

Candidats che han buca demissiunau

Ils suandonts candidats han buca demissiunau e valan consequentamein sco proponi tenor art. 21 dalla lescha da votaziuns e elecziuns:

a) President communal

Deplazes Walter, Surrein

b) Suprastonza communal

Eicher-Maissen Theresita, Rabius
Fry Paul, Cumpadials

c) Cumissiun da quen e gestiun

Bearth Rest Andriu, Sumvitg
Cathomas Ciril, Cumpadials

d) Cussegl da scola

....

e) Cumissiun da baghegiar

Bearth Peter, Rabius
Bundi Robert, Surrein

Nominaziuns novas

Tenor art. 21 dalla numnada lescha san ils vischinadis ni gruppaziuns da silmeins 15 votants far nominaziuns da candidats per scadin post che stat en elecziun. Tuttas propostas per la gliesta officiala ein d'inoltrar a scret all'administraziun communal entochen ils **15 da mars**. Sin giavisch tarmetta l'administraziun tier ad interessents ni gruppaziuns gliestas per nominaziuns. Scadina proposta sto vegnir inoltrada cun la gliesta officiala. Las elecziuns ein fixadas sin dumengia, **ils 18-04-2010**.

Mintga candidat proponius sto vegnir orientaus digl emprem sutsignau dalla gliesta ch'el vegni proponius sco candidat per in uffeci e sto confirmar quei cun sia sottascripziun. Las candidaturas ston mintgamai cuntener num, prenum, onn da naschientscha, liug e professiun dil nominau.

Sumvitg, 05-03-2010

Suprastonza communal Sumvitg

Votaziuns federalas e cantunalas dils 07-03-2010, project mira sut Cantun da quest FUS

L'urna ei aviarta (en canzlia communal)

gievgia e venderdis mintgamai duront las uras da spurtegl

dumengia, ils 07-03-2010, dallas 10.00 – 11.00 uras

Sonda e dumengia, ils 6 e 7 da mars 2010 mintgamai avon il survetsch divin en las fracziuns sin plaz cadruvi.

Ils cedels da votar ein vegnir distribui. Tgi ch'ei aunc buca en possess da tals ei supplicaus da s'annunziar tier la canzlia communal.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da sottascriver. Senza sottascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sin il certificat pil dretg da votar.

Sumvitg, 05-03-2010

Suprastonza communal Sumvitg

Project cantunal da votaziun dalla nova ulivaziun da finanzas dil cantun Grischun

Ils 7 da mars 2010 decida il pievel grischun sur dalla nova ulivaziun da finanzas ed il detretschament dallas incumbensas, in project monumental, per las vischnauncas ed en special per nossa vischnaunca, senza dubi il pli impurtont project cantunal dils davos 52 onns. Il messadi cumplein dalla suprastonza communal haveis Vus survegniu en ina ediziun speciala da "Las Squadras" che Vus saveis era cargar sin Vies computer da nossa pagina d'internet www.sumvitg.ch.

Sumvitg, 05-03-2010

Suprastonza communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 05-03-2010

Departament stradal Sumvitg

Pass 2010 (pass biometric)

Naven digl 1. da mars 2010 vegn mo pli il niev pass 2010 tschentaus ora. Tier in'empustaziun d'in pass 2010 ni d'in pass 2010 en cumbinaziun cun ina nova carta d'identitad ston ins s'annunziar per telefon ni internet directamein tier igl uffeci responsabel a Cuera. Ei drova negina fotografia. Ei sto vegnir presentau il pass vegl e la carta d'identitad veglia sco era in assegn da domicil valeivel, il qual sa vegnir retratgs tier l'administraziun communal.

Uffeci da fatgs da polizia e da dretg civil dil Grischun
Via Gäuggeli 7, 7002 Cuera
Gliendisdis – gievgia allas 08.00 – 12.00 e 13.30 – 17.00 uras
Venderdis 08.00 – 16.00 uras
Tel.: 081 257 52 20, www.schweizerpass.ch

Novas cartas d'identitad (buca en cumbinaziun cul pass) san vegnir empustadas vinavon tier l'administraziun communal cun purtar ina fotografia e la carta d'identitad veglia.

Per eventualas damondas ed ulteriur sclariment stein nus bugen a Vossa disposiziun.

Sumvitg, 05-03-2010

Administraziun communal Sumvitg

Uffeci dil stadi civil Cadi

Mortori

Cajacob Maria Theresa Franzisca, naschida ils 10-03-1928, morta ils 22-02-2010, stada sesent a Sumvitg, Via Principala 20.

Sumvitg, 05-03-2010

Controlla da habitonts Sumvitg

Uniun da dunnas Sumvitg/Cumpadials

Correctura

Nossa radunonza generala dils 6 da mars 2010 ha liug allas **20.15 uras** (sunter messa) ell'ustria dalla Staziun a Sumvitg. *Cordials salids la suprastonza*

Uniun samaritana Sumvitg

Igl exercezi meinsil dil mars ha liug **mesjamna, ils 10 da mars 2010** allas 19.55 a Rabius el local samaritan.

Societad da tir Vial Sumvitg

Cuors per tiradurs/as giuvens 2010

Annunzia: Era uonn meina la societad da tir Vial Sumvitg atras il cuors per tiradurs/as giuvenils annadas 1994/1995/1996. **Niev uonn** dat ei era in cuors per tiradurs/as giuvens annadas 1990/1991/1992/1993. Giuvnas e giuvens dallas suranumnadas annadas che han plascher dil sport da tir san s'annunziar a scret ni per telefon al menader dil cuors: Decurtins Hubert, Plaun da Crusch, 7175 Sumvitg, tel. 078 775 98 12. Davos termin d'annunziar ei ils **14 da mars 2010**.

Aquaduct Cumpadials/Clavadi

Vischinadi Cumpadials: Radunonza generala

Dumengia, ils 7 da mars 2010 allas 20.00 uras en casa da scola, Cumpadials.

Tractandas aquaduct:

1. Beinvegni
2. Elecziun d'in dumbravuschs
3. Prelecziun dil protocol
4. Rendaquen e rapport dils revisurs
5. Elecziuns
6. Decisiun alzament taxa sin spinas
7. Orientaziuns
8. Varia

Tractandas vischinadi:

1. Prelecziun dil protocol
2. Rendaquen e rapport dils revisurs
3. Nominaziuns candidats per elecziuns communalas
4. Orientaziuns
5. Varia

Cordialmein envida la suprastonza

Vischinadi Sumvitg, S. Benedetg e Clavadi

Radunonza

Gievgia, ils 11 da mars 2010 allas 20.00 ell'aula dalla casa da scola Sumvitg.

Tractandas:

1. Beinvegni
2. Elecziun d'in dumbravuschs
3. Protocol dalla davosa radunonza da vischinadi
4. Nominar candidatAs per las elecziuns communalas
5. Varia

Beach Sport Plaun Petschen, Cumpadials

L'Uniun da cultura e sport Cumpadials ha instradau l'idea da realisar a Plaun Petschen, Cumpadials, in plaz da sport sil sablun. Quei plaz duei esser multifars per differents sports (ballareit, ballapei, badminton, ulteriuras activitads sportivas sco era per termagliar per l'entira famiglia). Per la realisaziun ed il menaschi dil plaz vegn fundau ina nova uniun. La fundaziun dall'uniun ha liug **sonda, ils 13 da mars 2010 allas 20.00 uras ell'ustria dalla Staziun a Sumvitg/Cumpadials**. Tut ils interessents ed amitgs dil sport dalla regiun (seigi quei persunas che vulan separticipar activamein ni era mo sco commembers passivs) ein cordialmein beinvegni a quella sera d'informaziun e fundaziun dall'uniun. Persunas che san buca prender part quella sera mo han denton tuttina interess san s'annunziar tier:

Lucas Tuor, lucas.tuor@bluewin.ch, 079 759 32 22

Gion Michel Flepp, info@gmflepp.ch, 079 675 81 71

Fagess plascher da s'entupar cun biars amitgs dil sport. Cordialmein envidan *ils iniziants*:

Lucas Tuor e Gion Michel Flepp

Seria d'informaziun dils uffecis forestals Sursassiala e Sumvitg pertuccont il diever d'uaul e diever digl ur d'uaul

Tenor lescha d'uaul federala e cantunala vegn attribuiu gl uaul gronda protecziun, quei ton egl intern digl uaul sco era agl ur digl uaul. Perquei ei l'utilisaziun privata digl uaul fetg limitada – perfin egl agen uaul! Aschia ein il diever nuscheivel digl uaul e l'utilisaziun per in auter intent scumandai. Proprietaris d'uaul e persunas che fan diever digl uaul vegnan informai digl uffeci forestal

Secunda part: Deposits e deponias egl uaul

Deposits e deponias selvadias da tuttas sorts ein buca lubidas egl uaul. Deponias egl uaul ein nuscheivlas e pericliteschan ni donnegieschan las funcziuns e la cultivaziun digl uaul. Ord quei motiv eis ei scumandau da deponer egl uaul curdems verds, curdems da curtin, cumpost, tagl dil pastget, tagl da pumera, tschespet, fein bletsch, lenna da tagl, curdems da habitadi, rufids da baghetg, apparaturas electronics, mobillas da curtin, pneus eav. Igl allontanament selvadi da rumien sa menar tier donns ecologics (denter auter influenzescha la flora da curtin daventada selvadia la vegetaziun digl uaul, rumians san tschuffergnar l'aua). En mintga cass procura tal per dagrettas buca mo tier las persunas che schubregian igl uaul, mobein era tier la populaziun. Da risguardar ei che la dismessa dil rumien sto vegnir sbursada entras il maun public. Tier damondas stattan ils uffecis communal e cantunals responsabels a Vossa disposiziun.

Meisa da miezdi (gentar communabel) dalla Pro Senectute a Surrein

La Pro Senectute Surselva organisescha ensemen cull'ustria «Greina» ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cumminonza ella vischnaunca da Sumvitg e contuorn denter las persunas ella vegliadetgna dalla pensiu. Plinavon dat ei la pusseivladad d'embellir quell'occasiun cun star suentermiezdi da cumpignia cun dar in scart troccas ni auters giugs.

Liug: Ustria «Greina», 7173 Surrein

Datum: **venderdis, ils 12 da mars allas 12.00**

Prezi: 16 francs per persuna cumpru gentar cun desser e caffè

Annunzias: ein da far entochen **gievgia allas 13.00** tier Ustria «Greina» a Surrein, tel. 081 943 18 68

Banca Raiffeisen Cadi

Radunonza generala 2010

La radunonza generala dalla Banca Raiffeisen Cadi ha liug **venderdis, ils 12 da mars 2010 allas 20.00 uras** en halla plurivalenta dil Center da sport a Mustér. *Cussegl d'administraziun Banca Raiffeisen Cadi*

Pro Senectute

Cuors «handy» practic/Kurs Handy – praktisch

Mira/siehe unter Disentis/Mustér.

Rimnada da folias da silo

Mira sut la rubrica dalla Regiun Surselva.

Biblioteca Trun

Mira sut Trun.

Biblioteca populara, Mustér

Mira sut Disentis/Mustér.